

2 TAUĀKI KŌRERO ŌNAMATA


- 2.1 Ko ngā whākinga me te whakapāha a te Karauna ki te Hapū i roto i te wāhanga tuatoru i hua mai i te tauāki kōrero ōnamata nei.

TE TIRO WHĀNUI O NGĀ TAKETAKE O TE HAPŪ

Ngā tau i tīmata ai te tūtakitaki a Ngāi Māori me Ngāi Pākehā ki Te Matau-ā-Māui

- 2.2 I ngā tau o ngā 1840s me ngā tau o ngā 1850s i pā ngā takahurihuringa ā-hāpori ā-ohaoha hoki ki te Hapū. Tāpiri atu hoki ko te taunga ake o te Karaitiana i tūtū ai ngā whare karakia Karaitiana whakanikoniko ki Petane, ki Tangoio, ki Arapawanui me ētahi papakāinga. I ngā tau o ngā 1840s he taupuni tohorā ki uta i tū ki Moeangiangi ki Whakaari (Tangoio) hoki. I uru atu ētahi tāne mai i Tangoio ki ngā mahi tohorā tauhokohoko i Te Māhia. I tukua atu he witi he kānga mai i Tangoio ki Ahuriri.

DEED OF SETTLEMENT
2: HISTORICAL ACCOUNT



DEED OF SETTLEMENT

2: HISTORICAL ACCOUNT

- 2.3 I te tīmatanga o ngā tau 1850s i oti ake i te Karauna kia whiwhi i ngā whenua maha i roto o Te Matau-ā-Māui. I tohe kē te Karauna ki te hoko whenua hei tuku mō ngā papanohonga ā, kia kaua e tukua a Ngāi Māori ki te rīhi atu ki te hunga manene. I tīmata te māngai matua hoko whenua a te Karauna a Donald McLean ki te whiriwhiri mō ngā hokonga nunui i roto i Te Matau-ā-Māui i te tau 1851. Ko ngā whiwhinga tuatahi ko ngā hokonga i te tau 1851 o ngā 265,000 eka i Ahuriri me ngā 85,700 eka i Mōhaka.

Te Hokonga o Ahuriri i te tau 1851

- 2.4 I te Paenga-whāwhā o te tau 1851, ka tohua e te Kāwana a McLean ki te hoko i te rohe whenua o Ahuriri mō te utu iti rawa e whakaaehia e Ngāi Māori. Tae rawa atu ki te rā tuarua o Haratua 1851 kua whiwhi kē a McLean i te whakaaetanga ki te hoko i te rohe whenua o Ahuriri mō te £1,500. Engari, he nui te amuamu o ngā tāngata o Tangoio mō taua utu i mua atu i te tānga o tētahi kawenata e Ngāi Māori i te Whiringa-ā-rangi o te tau 1851. I te tekau mā rima o Whiringa-ā-rangi i tuhia e McLean ki rōto i tana puka rātaka tērā pea nā te kore o te whakapā atu ki ngā tāngata o Tangoio i te wā i tīmata ai tēnei hoko. I huri hoki a McLean ki te tuku kōrero ki ngā tāngata o Tangoio i ngā rā e rua i mua atu me tana kī kua tōmuri rawa ki te takahuri i ngā whakarite.
- 2.5 E ai ki te Karauna ka tino whiwhi a Ngāi Māori i ngā hua ohaoha maha mā roto i tā rātau hoko whenua atu ki te Karauna mō ngā utu iti rawa. I tāhia tētahi whakaaetanga i rā tuangahuru mā whitu o te tau 1851.
- 2.6 I whakaae te Karauna kia iti iho i te kotahi ūrāu o te rohe whenua o Ahuriri hei whenua rāhui mō Ngāi Māori. Ko ngā whenua rāhui matua nei i te motu o Roro-ō-Kurī i waenga i Te Whanganui-ā-Orotu (e mōhiotia nei ko Te Whanga Tuawhenua ā, ko Te Muriwai o Ahuriri), ko Wharerangi me Puketitiri. Engari, kāore te Karauna i hanga kaupapa kia noho motuhake aua whenua rāhui ki raro i te mana o Ngāi Māori mō ake tonu atu ā, tae rawa atu ki ngā tau o ngā 1920s kua hokona kē te katoa o aua whenua rāhui.
- 2.7 Ko te whakaaetanga o te tau 1851 e tohu ana ko Te Whanganui-ā-Orotu tētahi o ngā rohe takiwā o taua hokonga. Ko te mahere e tāpiri ana ki taua whakaaetanga e whakaatu ana i Te Whanganui-ā-Orotu mā te tae whero me te rārangi whero pōuri ake e tohu ana i te rohe takiwā o te hokonga. I tuhi a McLean ki rōto i tana puka rātaka i whakaatu ake ia i tēnei mahere iāia e pānui ana i te whakaaetanga i mua i te tānga o ngā ingoa. Ki tā te Karauna tata ki te 8,000 eka o Te Whanganui-a-Orotu i roto katoa te hokonga nei.
- 2.8 Ahakoa atu he roa te wā o ngā tohe a te Hapū ē, kāore a Ngāi Māori i huri ki te hoko atu i Te Whanganui-ā-Orotu i te tau 1851. He maha ngā take uiui me ngā tūmomo whakatau maha mo te take nei. I te tau 1916 ka whatauhia e te Rōia ā-Motu ko ngā rerenga kōrero o te whakaaetanga o Ahuriri kāore i uru atu Te Whanganui-ā-Orotu ki aua rohe takiwā ā, ko te rārangi i tohua ki runga i taua mahere he mahi pōhēhē kē. I te tau 1920 ka whakatauhia e te Komihana Tono Take Whenua Māori e ai ki a Ngāi Māori i roto mārika i Te Whanganui-ā-Orotu i te hoko o Ahuriri. I te tau 1948 ka kī tētahi Kaiwhakawā o Te Kōti Whenua Māori i roto i ana pūrongo mō tētahi inoinga i pā ki te take nei he iti noa iho te wāhanga o Te Whanganui-a-Orotu i uru atu ki taua hoko.
- 2.9 E ai ki te Hapū kāore ō rātau tīpuna i whakaae kia hokona Te Whanganui-ā-Orotu ā, ka huri pōhēhē noa te Karauna ki te kī kua whiwhi kē rātau i taua whenua.

DEED OF SETTLEMENT

2: HISTORICAL ACCOUNT

Te Hokonga o Mōhaka i te tau 1851

- 2.10 I te Paenga-whāwhā o te tau 1849 ka huri ētahi rangatira nō Waikare ki te tuku whenua atu ki te Karauna mō tētahi utunga nui me te urunga atu ki tō rātau rohe o ngā hunga manene maha e āhei ai rātau ki te hokohoko tahi. Kāore te Karauna i tahuri wawe atu ki taua tuku engari ka tae te wā ki te Kohi-tātea o te tau 1851 kua toko te hiahia a McLean ki te hoko i ngā whenua katoa ka taea mai i te rohe o Mōhaka.
- 2.11 Tae rawa atu ki te Poutū-te-rangi o te tau 1851 kua huri kē te Karauna ki te whiriwhiri mō te hoko i tētahi rohe whenua rahi i roto i te rohe o Mōhaka. I te tuaono o Poutū-te-rangi ka huri ngā Māori o Waikare ki te tuku whenua i waenga i te awa iti o Waitaha me te awa o Moeangiangi ki roto ki te rohe whenua ka riro ki te Karauna. Engari ka tae atu ki te rā tuatahi o Paenga-whāwhā o te tau 1851 ka huri kē ngā tāngata nō rātau nei i aua whenua ki te pupuri ake i ūrātau whenua mā rātau ā kua whai kē atu ngā whiriwhiringa a te Karauna ki tētahi rohe whenua i waenga i ngā awa o Waikari me Mōhaka. I whai tonu te Karauna ki te hoko i te rohe whenua o Mōhaka mō te utu iti rawa ā tae rawa atu ki te Hōngongoi o te tau 1851 ka tatū te utunga ki te £800.
- 2.12 I tāhia te whakaaetanga i te Hakihea i te tau 1851 me te whakarite ake kia utua e te Karauna te £800 mā kia whā ngā utunga o te £200. He āwangawanga i toko ake i te wā i tāhia ai te whakaaetanga nā te kore o te Karauna e utu i te katoa o te utu i te wā kotahi. Kāore i oti i te Karauna te utunga a tae noa ki te tau 1855. I te Paenga-whāwhā o te tau 1855 ka utua e te Karauna te utu mutunga o te £300 ā, i wehea te £100 hei utu atu ki ngā tāngata o Waikare. I takariri katoa rātau mō te iti o taua utu ā, ka whakaae atu hoki a McLean ki tērā. I tuhi a McLean ki roto i tana puka rātaka ka kī ake a Ngāi Māori kāore he patanga o ngā utunga mena ka kore rātau e whiwhi ngā hua i kī atu ai te Karauna ka puta ake i te nohonga o ngā hunga manene ki runga i aua whenua i hokona atu rā e rātau.
- 2.13 Kāore i puta he whenua rāhui mō Ngāi Māori i roto i te whakaaetanga ki te pari o te raki o te awa o Waikari. I te tau 1851 i ngā Māori o Waikare ngā whenua maha i te taha tonga engari ko a rātau tika tuku iho i murua i raro i ngā kaupapa muru raupatu a te Karauna. Ahakoa i whakahokia te nuinga o aua whenua ki ētahi o te Hapū, tae rawa atu ki ngā tau o ngā 1930s kua hokona kētia e te Karauna te nuinga.

Ētahi atu Hokonga i mua i te tau 1865

- 2.14 I ngā tau mutunga o ngā 1850s me ngā tau o ngā 1860s i tahuri te Karauna ki te whiriwhiri te Karauna ki te hoko i ētahi atu rohe whenua e rua i roto i te rohe ake o te Hapū. I waenga i ngā marama o Paenga-whāwhā me Pipiri o te tau 1859 e 2,000 eka i hokona e te Karauna i Arapawanui mā roto i ngā ūmanga e toru. I waenga i te marama o Hōngongoi o te tau 1859 me te marama o Whiringa-a-rangi o te tau 1860 12,000 eka i hokona e te Karauna i Moeangiangi mō te £310.
- 2.15 I te tau 1865 ka tukua e te Karauna te utu tīmatanga o te £100 mō ngā eka 8,000 o te Rārangi Maunga o Maungaharuru. I whakaritea kia tatū taua hokonga i muri o te rūringa o te whenua. I whakatauhia e te Karauna tau hoko o Maungaharuru i te tau 1868 i tohua ai he whakaaetanga mō te hoko e riro ai i te Karauna ngā 7,760 eka mō te £185. I te tau 1866 i utu e te Karauna te £400 mō ngā eka 4,470 i Ōtūmātai (i mōhiongia ai ko Ōtūmātahi). He iti noa nei te pārongo mō ngā whiriwhiri o ēnei ūmanga tua atu i ngā whakaaetanga i waitohua. I ū te Hapū ki tāna nei kī ko te mana tuku iho mō ēnei rohe whenua kāore rawa i riro katoa atu i tatū tōtika rānei.

DEED OF SETTLEMENT


2: HISTORICAL ACCOUNT

- 2.16 Ko te katoa o ngā rohe whenua i hokona e te Karauna i ngā tau mutunga o ngā 1850s me ngā 1860s i whakaurua atu ki aua whenua i tohua e te Karauna i muri mai ki raro i ana kaupapa here mō te raupatu.

Ko te Urunga o Ngā Ture Whenua Taketake

- 2.17 I whakaritea e te Pāremata te Kōti Whenua Māori i raro i ngā Ture Whenua Māori o ngā tau 1862, 1865 hoki, hei whakatau i ngā hunga whai mana ki ngā whenua Māori “mā roto i ngā tikanga motuhake” ā, hei takahuri hoki i taua mana tuku iho ki te mana i anga kē mai i te Karauna. Mā roto mai ano i ēnei ture ka huri te Karauna ki te hiki i tana tika motuhake mō te hoko ā, e āhei ai ngā Māori whai pānga ki te tuku rīhī ki te hoko noa atu rānei ki ētahi rōpū tūmataiti ki te Karauna hoki. I tohua ēnei ture e te Karauna kia tuwhera ai ngā huarahi ki ngā whenua tuku iho a Ngāi Māori ki ngā kaupapa hanga hāpori a Ngāi Pākehā. Kāore he Māngai o Ngāi Māori ki roto i te Pāremata i te wā i uru atu ai tēnei ture ā kāore hoki i whai wāhanga te Hapū mō aua Ture.
- 2.18 I tino huri ngā tikanga pupuri whenua tuku iho nā roto i ngā ture whenua Māori. I tohua te mana ki ia tangata mō te pupuri whenua tuku iho ā memeha noa iho te mana ā-iwi ki te ārai i ngā take muru whenua. I manako ake te Karauna ka whakarere a Ngāi Māori ūnā tikanga ūna kaupapa ā-iwi mō te pupuri whenua tuku iho.
- 2.19 I raro i te Ture Whenua Māori 1865 ka āhei te tohu i te mana pupuri rohe whenua Māori ki te kāhui tekau noa iho te maha o ngā tāngata. Kāore he wāhanga o taua Ture e ārai ana i aua tāngata tekau ki ā rātau ake hiahia ano nei nā rātau ānake aua rawa.

DEED OF SETTLEMENT
2: HISTORICAL ACCOUNT



DEED OF SETTLEMENT

2: HISTORICAL ACCOUNT

- 2.20 I te Pipiri o te tau 1866 i whakaae tahi te Karauna me ētahi tokorua ki te hoko i te 1,000 eka i tohua hei whenua rāhui mō Ngāi Māori mai i te hokonga a te Karauna ki Moeangiangi i te tau 1859 i raro i te whakarite mātua kia whiwhi i te mana pupuri mō te whenua rāhui mai i te Kōti Whenua Māori. I muri mai i waenga i te tau 1866 ka noho te Kōti ki Ahuriri ki te whakatau kei a wai te mana pupuri o te rohe whenua nei tae atu ki ngā rohe whenua nui atu i te 10,500 eka i Petane, me te 700 eka i Te Pāhou.
- 2.21 Kāore aua tokorua i hoko rā i Moeangiangi i noho ki runga i taua rohe whenua. Ko tētahi o aua hunga i tuku kōrero ki te Kōti mō tana pānga ki tētahi atu iwi ā, ka takea mai tana tika ki Moeangiangi na tana heke mai i a Tataramoa te tipuna taketake o Ngāti Kurumōkihi i puta kē i mua atu ko Ngāi Tatara. Ko tērā atu o ngā tangata i tuku i ana kōrero taunaki ko Te Retimana Ngārangipai i noho ki Moeangiangi i mua atu ā, i puta noa na tana tūpono noa ki tae atu ki Ahuriri i te wā o te Kōti. E ai ki Te Retimana nō Ngāti Kurumōkihi ia me tana kī i takea mai tōna pānga ki Moeangiangi i te tipuna i a Mutu nō Ngāi Te Aonui. I whakatauhia e te Kōti ko ia tētahi o ngā hunga e toru whai mana pupuri mō te whenua rāhui o Moeangiangi me ērā tokorua i hoko atu rā ki te Karauna.
- 2.22 Ko ngā whakawā a te Kōti mō ngā rohe whenua o Petane me Te Pāhou i tātaki i te mana pupuri mō ēnei rohe whenua ki te kāhui tuangahuru te nuinga ū rātau nō te Hapū.
- 2.23 I te 12 o Kohitātea i te tau 1867 ka whakatauhia e te Karauna te raupatu i te rohe o Mōhaka-Waikare. I waho kē atu te rohe whenua o Te Pāhou i te rohe takiwā o te rohe nei engari ano ko ngā rohe whenua o Moeangiangi me Petane i roto. Ahakoa atu ko ngā rohe whenua o Moeangiangi me Petane kāore i whakaurua atu ki te rohe whenua i tohua hei raupatu ā, ka whai mana tonu te mana pupuri i tohua e te Kōti.
- 2.24 Ka heke te wā i te tau 1867 ka huri te Karauna ki te whakatutuki i tana hoko i ngā hua o te whenua rāhui o Moeangiangi mai i ngā tokorua i whirihirihia ai te utu o te £160. I te tau 1870 ka tae tētahi Pākehā noho whenua ki te hoko i te katoa o Te Pāhou me ngā hea e waru o ngā hea tuangahuru o Petane. I whakaae ia ki te utu i te £100 mō ia hea ki Te Pāhou me te £200 mō ia hea ki Petane.
- 2.25 I te tau 1873 ka tohua e te Karauna te Komihana o Te Matau-ā-Māui ki te āta tirotiro i ngā take whakapae a Ngāi Māori mō ngā kaupapa whakahaere i te ture mō ngā hunga pupuri mana tuangahuru i roto o te rohe o Te Mata-ā-Māui. I rongo te Komihana i ngā take mō ngā rohe whenua maha tae atu ki Moeangiangi, ki Te Pāhou ki Petane hoki. Ko ngā whakapae a ētahi i whai mana pupuri ki te rohe whenua o Petane i kī ake mō rātau i mahue ai te tuku a te Karauna i te tau 1867. Ka whakahē ake te Komihana i te āhua o te tuku mana mō te whenua rāhui pērā i tērā i Moeangiangi ki ngā tāngata ruarua noa me te kī ake ka uru kē atu te katoa o te hāpori ki taua whenua. I kī ake kia turakina te ture hunga pupuri mana tuangahuru.
- 2.26 I waenga i te tau 1873 ka utu a Te Retimana e te Karauna ki te £80 mō ana hua ki roto i te whenua rāhui i Moeangiangi. I turakina te ture hunga pupuri mana tuangahuru e te Ture Whenua Māori o te tau 1873 engari kāore i hoki ki muri taua mana.
- 2.27 Ko te hunga pupuri mana mō ngā rohe whenua o Petane o Te Pāhou hoki i hoko rā i o rātau tika i tuku amuamu mō te utunga atu ki a rātau mā te rama mā momo taputapu mō aua tika. Ka whakatauhia e te Komihana i tōtika te utunga a kaihoko Pākehā mō ngā tika mā tana whakarite kia whai huarahi atu ki tana toa hokohoko.

DEED OF SETTLEMENT

2: HISTORICAL ACCOUNT

TE RAUPATU KI ŌMARUNUI ME MŌHAKA-WAIKARE

Ōmarunui

- 2.28 Ko te Pakanga o Ōmarunui i te marama o Whiringa-ā-nuku o te tau 1866 he papa hurihanga i roto i ngā kōrero ūnamata o te Hapū ā, i huri ai te Karauna ki te whakatau i tētahi raupatu ki te rohe whenua o Mōhaka-Waikare i te tau 1867.
- 2.29 I te tau 1866 kāore kia oti te hohou i te rongomau e te Karauna me te katoa o Ngāi Māori i pakanga atu ai rātau i roto i ngā pakanga o Aotearoa. I te marama o Here-turi-kōkā o te tau 1866 he maha ngā rangatira mai i a Ngāti Hineuru i tuhi atu ki a McLean, te āpiha matua a te Karauna ki Te Matau-ā-Māui, me te kī atu ka tātakihia e rātau he tira ki Te Matau-ā-Māui i raro i tana pōwhiri kia huihui tahi ki te whiriwhiri take hohou rongomau. I te marama o Mahuru o te tau 1866 i puta tētahi ope tauā tata ki kotahi rau te maha, me ētahi hoki mai i te Hapū, ki Petane me tō rātau manako kia tūtaki tahi me McLean.
- 2.30 I noho te ope nei ki Petane mō ngā wiki maha. I kī atu rātau ki tētahi āpiha o te Karauna i peka atu i tae rātau i raro i te pōwhiri ā McLean. I te tuawhā o Whiringa-ā-nuku ka hūnuku te nuinga o taua ope i Petane ki Ōmarunui e ruarua nei ngā maero i kō atu. I whakarērea e ngā hunga ake o Ōmarunui tō rātau pā ā, kātahi ka riro atu i ngā hunga manene i te wiki i muri mai.
- 2.31 I te tuarima o Whiringa-ā-nuku ka tuhia atu e McLean ki ngā kaihautū o taua ope e noho puni rā ki Ōmarunui me tana īnoi atu kia Horahia ī rātau manako.
- 2.32 I ngā tuhinga i waenga i te tuarima me te tuawaru o Whiringa-ā-nuku i kī ngā kaihautū o te ope e noho puni ana ki Ōmarunui i aro kē rātau ki te tūtaki atu ki a McLean nā tana karanga atu kia haere atu ki Te Matau-ā-Māui. Kāore rawa taua ope i huri ki te whawhai ahakoa ki a wai.
- 2.33 I te tuawaru o Whiringa-ā-nuku o te tau 1865 ka oti ake i a McLean ko taua ope e noho puni rā ki Ōmarunui he hunga ka tahuri kia raruraru kē ai te rohe whānui o Ahuriri. Kāore i mōhiotia te take i pēnei ai ngā whakaaro a McLean. Ka huri kē ia ki te tono kī hōia a te Karauna kia whakarite ake ki te ārai i ērā mahi i pōhēhē ai ia ka pā he raruraru.
- 2.34 I te weherua pō o te tuangahuru mā tahi o Whiringa-ā-nuku i te tau 1865 ka karapoti ngā hōia a te Karauna i Ōmarunui. I aro ake a McLean mā te whakaatu i te mana tino nui o ngā hōia e tuku ai te hunga i roto i te pā ki raro. Engari ka tae atu ki te ata ka tukua atu e te Karauna he tono whakamutunga kia tuku rātau ki raro i roto i te haora kotahi ka tukitukia rānei. Kāore te Karauna i whakaae atu kia tāria te wā ā, ka whakaeke ngā hōia a te Karauna i te pā i te mutunga o taua haora me te kore ano o ngā hunga i roto e tuku ki raro. Kāore taua hunga i noho puni ai ki Ōmarunui i huri ki te hanga maioro mō te pā.
- 2.35 E rua tekau mā toru pea o rātau i roto i Ōmarunui i mate i ngā hōia a te Karauna i roto haora e rua o taua pakanga. Kotahi Pākehā me ngā Māori e rua e whawhai ana hei hōia mō te Karauna i mate. I mutu taua pakanga i te tukunga o te nuinga o rātau i roto o Ōmarunui ki raro me tō rātau mōhio kua raruraru katoa. Ko ētahi i puta me tō rātau oma atu ki takiwā i Te Pōhue, engari ka arumia te nuinga i patua kia mate i mauherengia rānei.

DEED OF SETTLEMENT


2: HISTORICAL ACCOUNT

- 2.36 I taua wā tonu i whakaekēhia ai a Ōmarunui i huri ano ngā hōia a te Karauna ki te whakaekē i ērā i noho atu rā ki Petane. I waenga i ērā i tukitukia i Petane tētahi ope iti nei i heke iho mā runga hoiho mai i Tītī-ā-Ōkura i muri i te wehenga atu o te ope nui ki Ōmarunui.
- 2.37 E 86 ngā hunga i mauherengia e te Karauna ka mauria atu te nuinga ki ngā motu o Wharekauri. Tokowhitu o aua mauhere a te Karauna nō Ngāti Tū ā, tokoono nō Ngāti Kurumōkihi. I matangerengere te noho a aua mauhere mō ngā tau e rua ki ngā motu o Wharekauri i raro i ngā whakahau a te Karauna. Kāore rawa i whakawāhia aua mauhere. I te marama o Hōngongoi o te tau 1868 nā Te Kōti i arataki ngā mauhere kia puta kia oma ki te tuawhenua.
- 2.38 I tau ai te ingoa karanga mō aua mauhere i puta rā ko te Whakarau ā kātahi hoki ka hītuatia ki te pakanga atu ki te Karauna. I te Kohi-tātea o te tau 1869 ka huri ngā hōia a te Karauna ki te āta whakamate i te maha o ngā mauhere i mau i a rātau i eke atu ai ki tētahi pā Whakarau i Ngātapa. Kāore i tino mōhiongia te tūākiri o te nuinga ū rātau i whakamatea rā. Tērā pea ko ētahi o rātau whai pānga ki te Hapū. Ko ngā tauāki kōrero ūnamata ā-lwi e kī ana he maha o taua hunga mauhere i puta i hoki mai ki te wā kāinga engari kāore i mōhio i nahea taua wā..
- 2.39 Kāore te Hapū i tino huri rawa ki te whakahē i te Karauna i roto i ngā pakanga o ngā tau 1860s. Ko ētahi, mai i te Hapū, i uru kē ki aua pakanga hei kaiāwhina mō te Karauna. Ko ētahi kīhai rawa i uru. He maha ka karanga i a rātau ano he Māori Piripono i roto i ā rātau ūnoinga ki te Karauna.

Raupatu ki Mōhaka-Waikare

- 2.40 I ngā tau o ngā 1860s he kaupapa here tā te Karauna ki te raupatu whenua mai i te hunga i kī ai ia he whakakeke ā tohu rawahia te Ture Kāinga Nohonga o Aotearoa o te tau 1863 hei whirinaki i aua momo Raupatu.
- 2.41 I te rā tuawaru o Kohitātea o te tau 1867 i whakahau ake a McLean kia murua te rohe ka mōhiohia āmuri ake ko Mōhaka-Waikare i raro i te Ture Kāinga Nohonga o Aotearoa. E ai ki a McLean ko taua rohe e arohia nei kia murua e hora ana i waenga i Petane me te awa o Waikari i te taha moana ā anga atu ki te rārangī takiwā whenua o Te Matau-ā-Māui i te tuawhenua.
- 2.42 I te rā tuangahuru mā rua o Kohitātea o te tau 1867 i whakatau ake te Karauna ka huri ia ki te raupatu whenua mai i ngā hunga whakakeke i te rohe o Mōhaka-Waikare. I puta taua whakatau mā roto i tētahi Tohutohu ā Kaunihera i raro i Ture Kāinga Nohonga o Aotearoa o te tau 1863.

DEED OF SETTLEMENT
2: HISTORICAL ACCOUNT



DEED OF SETTLEMENT

2: HISTORICAL ACCOUNT

- 2.43 I whakatau ake te Karauna e kore ia e pupuri i te whenua o te haukāinga ā ko ngā ‘whakakeke’ ka tono atu ki te Karauna i roto i te wā whaitake ka whiwhi i te whenua e rite noa iho ana hei oranga mō rātau.
- 2.44 Ko te āhua o te Ture Kāinga Nohonga o Aotearoa he mea kohi whenua noa ā kāore hoki i huri ki te āta whakatau he aha te hunga ‘whakakeke’. Ahakoa i uru atu ētahi mai i te Hapū ki te pakanga i Ōmarunui kāore rātau i noho kia whakakeke.
- 2.45 Kāore te Karauna i whakatau he aha pū te rohe e hāngai ana ki ngā rohe takiwā –a-iwi ā-hapū i tohua kia murua. He whānui taua rohe e hora ana i waenga i ngā whenua i hokona e te Karauna mai i Mōhaka ki Ahuriri o te tau 1851 me rohe takiwā o Te Matau-ā-Māui. Ko ētahi whenua i roto i te rohe kua riro kē ki te Karauna tae atu ki ērā i hokona i te tau 1859 e te Karauna mai i ngā rohe whenua o Arapaoanui me Moeangiangi. Ko te hoko tārewa o te rohe whenua o Maungaharuru i roto i te rohe.
- 2.46 Kāore te Karauna i whakarite i tētahi kōwhiri ā-ture ki ngā tika i roto i te rohe o Mōhaka-Waikare ā kāore hoki i whakarite i tētahi kōwhiri ā-ture ki te whakatau ko wai i piri pono ko wai i whakakeke. Ko te Kōti Utunga i tū ki roto i ētahi atu rohe kāore i noho ki Te Matau-ā-Māui. Kāore anō hoki i rite tētahi hātepe ki ērā ā te Komihana ū Tauranga ū te rohe rānei ū Tūranga mō tēnei raupatu. Ko te hātepe ki te kohi ake i ngā ingoa o te hunga ka whakawhiwhia ki ngā rohe whenua i tukua atu ki te Karauna ānake.


Ko Ngā Kawenata ū Mōhaka-Waikare me Te Ture mō Ngā Rohe o Mōhaka me Waikare 1870

- 2.47 I te rā tuawaru o Haratua o te tau 1868 i waitohua e te Karauna tētahi Kawenata me te maha o ngā rangatira mai i Te Matau-ā-Māui e whakahoki atu ana i ētahi wāhangā o te rohe o Mōhaka-Waikare ki a Ngāi Māori me te pupuri ake i te toenga hei whenua mā te Karauna. Engari kāore rawa i whakatinanahia taua kawenata. I te marama o Hōngongoi o te tau 1868 ko ngā mauhere i whiua rā ki ngā motu o te Wharekauri i puta i oma ā ka tahuri ake te Karauna ki te pakanga atu ki a rātau. I te tau 1869 ka tīmata te Karauna ki te whiriwhiri kia pēhea te rahi o ngā whenua ka puritia e te Karauna ā he hoki te rahi o te whenua ka whakahoki atu ki a Ngāi Māori. I waitohua he Kawenata tuarua mō Mōhaka-Waikare i te rā tuangahuru mā toru o te Pipiri o te tau 1870. Nā taua kawenata i wāwāhia ai te rohe o Mōhaka-Waikare ki ngā rohe whenua iti iho me te tuku atu kia puritia tonuhia e te Karauna te rohe whenua o te Raki ū Tangio e 9,050 eka te rahi ā mō ētahi atu rohe whenua kia whakahokia atu ki a Ngāi Māori kua oti kē te whakaingoa i roto i taua whakaaetanga. E ai ki te Hapū ko te rohe whenua o Maungaharuru e 8,000 eka i puritia tonuhia e te Karauna i raro i tana whakapono kāore anō kia tatū taua hokonga. Ko te nuinga o ngā whitinga ūkawa mō taua whiriwhiringa o te kawenata o te tau 1870 kua ngaro, oti rawa atu.
- 2.48 Ahakoa i takoto ngā rohe whenua o Maungaharuru, o Moeangiangi o Ōtūmātai ki waenga i ngā rohe takiwā o te rohe i murua ka parea kē mai ki waho o te kawenata o te tau 1870 nā te mea kua oti kē te hoko e te Karauna. Ko te rohe whenua o Petane i parea mai ki waho o te whakaaetanga ahakoa atu te takoto ake ki waenga tonu i ngā rohe takiwā nā te kī a te Kōti Whenua Taketake kua oti kē te tuku ki a Ngāi Māori mā i mua atu i te tukunga o te whakatau mō te raupatu.
- 2.49 Ko ngā rohe whenua i whakahokia atu ki a Ngāi Māori motuhake i roto i te takiwā kō:

DEED OF SETTLEMENT
2: HISTORICAL ACCOUNT

- 2.49.1 Tangoio ki te tonga (35 ngā ingoa)
- 2.49.2 Pākuratahi (13 ngā ingoa)
- 2.49.3 Arapaoanui (37 ngā ingoa)
- 2.49.4 Tūtira (40 ngā ingoa)
- 2.49.5 Tatara-o-te-Rauhina (14 ngā ingoa)
- 2.49.6 Pūrahoitangihia (27 ngā ingoa)
- 2.49.7 Awa-o-Totara (39 ngā ingoa)
- 2.49.8 Waikare (37 ngā ingoa)
- 2.49.9 Te Kuta (36 ngā ingoa)
- 2.49.10 Kaiwaka (1 te ingoa)
- 2.49.11 Heru-a-Tureia (36 ngā ingoa).

DEED OF SETTLEMENT
2: HISTORICAL ACCOUNT



DEED OF SETTLEMENT

2: HISTORICAL ACCOUNT

- 2.50 I whakaritea hoki e te kawenata o te tau 1870 tērā kia noho motuhake aua rohe whenua kia noho motuhake ā kia kaua e hokona kia kaua hoki e tukua hei pupuri i te mana mena ka whai pūtea ā kia puritia kia tiakina hoki i raro i te mana pupuri whenua a Ngāi Māori mō aua momo Whenua Taketake. Kāore hoki taua kawenata i kī mena i ōrite ngā hua o aua whenua i whakahokia ā i puritia rānei hei whenua tuku iho hei whenua ki raro ake i te mana motuhake a Ngāi Māori mā.
- 2.51 I whakapūmauhia te kawenata e te Ture ā-Rohe mō Mōhaka me Waikare i te tau 1870. I whakatauhia e te Ture nei te mana o taua kawenata. I tukua ano hoki e taua Ture te mana ki te Karauna mō ngā rohe whenua hei whakahoki atu ki ia Māori kua puta nei o rātau ingoa ki roto i taua kawenata.
- 2.52 I te tau 1878 ka turakina te Ture mō ngā Rohe o Mōhaka o Waikare hoki. I te tau 1881 ka puta ki roto i te Ture Whenua Taketake Ture Whakatikatika ngā tikanga e whakapūmau ana i te raupatu o te tau 1867 me te kawenata o te tau 1870 I te taenga ki tēnei wā kua riro kē aua whenua hei whenua rīhī mō te hunga whai nohonga Pākehā.

Te nohonga o te Kōti Whenua Taketake i te tau 1882

- 2.53 Nā roto i te Ture o te tau 1881 i āhei ai te Minita Taketake ki te tono ki te Kōti Whenua Taketake kia whakatauhia te mana pupuri i ngā rohe whenua o Mōhaka-Waikare i tōna tikanga ka whakahokia i raro i te mana te ture o te tau 1870. I te tikanga ka tukua kē e te Kōti Whenua Taketake te mana pupuri o te whenua Māori ki aua hunga i whakatauhia ai e ia e whai take atu ana ki aua whenua. I aro ake ngā uri o te Hapū he huarahi mā roto i te Ture o te tau 1881 nei e watea ai te tono ki te Kōti kia tukua ngā whenua ū Mōhaka-Waikare ki aua hunga whai tika tuku iho ki te pupuri i aua whenua. Ahakoa atu i te marama o Höngongoi o te tau 1882 i te wā i whiriwhiri ai te Kōti Whenua Taketake ka whai kē i tāna whakatau arā ko rātau ānake i whakaingoahia e whai pānga ana i roto i te kawenata o te tau 1870 ā, ko ū rātau uri rānei.
- 2.54 I te wā i āraihiā ai e te Kōti te tono kia whiriwhirihia te mana pupuri o ngā rohe whenua o Mōhaka-Waikare i raro i ngā tikanga Māori tuku iho i puta atu ngā hunga pupuri mana ki waho o te kōti me te whakahē ake i muri i ngā whakahau a ū rātau rangatira a Anaru Kune o Ngāti Tū me Ngāti Kurumōkihi a Hēmi Puna o Ngāi Te Ruruku a Te Teira Te Paea o Ngāti Tū me Ngāti Kurumōkihi me Manaena Tinikirunga o Ngāi Tauira. Ka tahi tētahi āpiha o te Kōti ka huri ki te pānui ki te Kōti i ngā ingoa o ia hunga Māori mai i te rārangī mo ia rohe whenua o roto i te kawenata o te tau 1870 ā kātahi ka huri te Kōti me te whakatau noa ake ko rātau te hunga whai mana pupuri. Kāore rawa te Kōti Whenua Taketake i tahuri ki te āta whiriwhiri mā roto i ngā tikanga Māori tuku iho, i te mana pupuri motuhake mō ngā whenua a te Hapū.

“HE TINIHANGA PARAHAKO MĀRIKA”: TE TAKE O KAIWAKA

- 2.55 Ko Kaiwaka (e 30,765 eka) tētahi o ngā rohe whenua whānui me te whai hua rawa atu o ngā rohe whenua o Mōhaka-Waikare i whakahokia ki a Ngāi Māori te mana pupuri. I tohu te kawenata o te tau 1870 ki noho motuhake te mana pupuri ki tētahi rangatira mai i tētahi atu hapū hei tākoha mō āna tautoko i tukua atu ki te Karauna. E ai ki te Hapū kāore rawa he tika tuku iho o tēnei rangatira nō Ahuriri kē ki Kaiwaka ki ētahi atu rohe whenua rānei i waenga i tō rātau ake takiwā. Kāore i tukuna tētahi atu rohe whenua ki te tangata kotahi. I whiwhi ano hoki taua rangatira mai i Ahuriri kē i ētahi wāhangā o ngā hua o te katoa o ngā rohe whenua o Mōhaka-Waikare.

DEED OF SETTLEMENT

2: HISTORICAL ACCOUNT

- 2.56 E ai ki te Hapū ko te rangatira o Ahuriri nei he kaitiaki mō te hunga pupuri mana tuku iho. I waenga o ngā tau 1870s i tukua e te rangatira o Ahuriri ngā utu rīhi mai i Kaiwaka ki ngā rangatira maha o te Hapū ā, kātahi ka tukua atu e rātau ki ngā hunga pupuri mana tuku iho. Engari i te matenga o te rangatira o Ahuriri rangatira i te tau 1880 kātahi ka huri ana tamariki ano nei nō rātau ānake te whenua nei. Kihai i whiwhi anō ngā hunga pupuri mana tuku iho i ētahi atu hua i muri atu.
- 2.57 I te tau 1889 ka huri a Hēmi Puna, he rangatira o Ngāi Te Ruruku me ētahi atu o taua Hapū i piri ki tētahi inoinga ki te Karauna me te kī ake kāore te rangatira o Ahuriri rangatira i whai tika ki Kaiwaka ā, i whai haere ia ki te whakahoki atu ki te hunga pupuri mana tuku iho tōtika i mua i tana matenga. Ko tētahi wāhangā o te inoinga nei he tono kia whiria e te Kōti Whenua Taketake te mana pupuri mō Kaiwaka ka tukua atu ai ki aua hunga pupuri mana tuku iho. E ai ki te Komiti Momo Taketake i roto i a rātau Whiringa mo te inoi nei ko te hanga o te kawenata o te tau 1870 nei he huarahi e pupurihia ai e aua hunga i whiwhi hei kaitiaki.
- 2.58 Engari kāore te Karauna i huri ki te hanga i tētahi rōpū kaitiaki mō ēnei rohe whenua. I te Whiringa-ā-rangi o te tau o 1895 ka tohua e te Karauna te mana pupuri o te rohe o Kaiwaka ki ngā tamariki me ētahi atu whanaunga o te rangatira o Ahuriri. Ko tēnei anake te tuku a te Karauna mō te katoa o ngā rohe whenua i taua wā.
- 2.59 I te tau 1896 ka tīmata ētahi o ngā uri o te Hapū i ngā tono mā raro i te ture kia whakatauhia ko tērā i tukua atu ai ki te rangatira o Ahuriri i te tau 1870 hei kaitiaki kē mō rātau. Ka anga tōtika atu te take nei ki te Kōti Pīrā me tana whakatau kāore i tohua he rōpū kaitiaki. Tua atu i ā rātau ake utu mō te take-ā-ture nei i tohua kia utua e ngā uri o te Hapū ngā utunga maha a te hunga kua tohua kē e te Karauna hei hunga pupuri mana o Kaiwaka i whakahē nei i tā rātau tono.
- 2.60 Kātahi ka kawea e te Hapū i raro ngā whakahau a Te Teira Te Paea he rangatira o Ngāti Tū ngā utu o te pīra ki te Kōti Pīra Matua ki Rānana. I tohe te Hapū nā te Karauna i kī ka huri ia ki te tiaki i ngā tika a ngā hunga tautoko o Ngāi Māori i tā murunga tuatahi i ngā whenua o te rohe o Mōhaka-Waikare i te tau 1867. E ai ki tā rātau tono he āhua kotiti kē te tuku i te mana pupuri motuhake ki te tangata kotahi i te tau 1870 me te kore e noho ko taua tangata hei kaitiaki mō rātau. Ka tohe mai ngā kaitautoko i tukua motuhake taua rohe whenua ki taua tangata ā ki ana uri āmuri atu. Engari i whakaae te Kōti Pīra Matua ki tā te Kōti Pīra o Aotearoa whakatau arā kāore i puta he wāhangā e kī ana kia hangahia he rōpū kaitiaki. I whakakāoretia e te Kōti Pīra te take ā whakatauhia ano kia utua e te Hapū ngā utunga a ngā hunga i whakapaetia me ā rātau ake hoki.
- 2.61 I te tau 1903 ka tonoa e te Hapū he inoinga mō Kaiwaka tōtika atu ki te Kingi Eruera te Tuawhitu engari ka tohua kē e ana Minita he take kē tēnei mā te Kāwana o Aotearoa e whakatau. Kāore te Kāwana i whakaae kia tahuri atu. I te marama o Haratua o te tau 1910 i utua e te Karauna kō atu i te £14,000 mō ngā wehenga whenua 1 me te 2A o Kaiwaka. Kāore i whakahokia atu ngā whenua i riro ai ki te Karauna ki ngā hunga pupuri mana o Kaiwaka.
- 2.62 Ko te toenga o Kaiwaka i noho tonu ki raro i te mana pupuri ā-Māori arā te rohe whenua 2B i tohua hei hoko mā te Karauna i te tau 1912. I te wā e whiriwhirihia ana te take nei e te Karauna ka whai hua te tono a te Hapū ki te Kōti Pīra Taketake kia hurihia te toenga o te rohe whenua o Kaiwaka mai i te whenua Taketake herekore ki te whenua whānui. Nā tēnei hurihanga i āhei ai te hoko atu ki te hunga hoko motuhake. Ko te hanga nei i mutu

DEED OF SETTLEMENT

2: HISTORICAL ACCOUNT

ngā whiriwhiringa i waenga i te Karauna me te hunga pupuri mana o te rohe whenua o Kaiwaka 2B.

- 2.63 Ko te mutunga ake o ngā mahi a te Karauna i pā ki te rohe whenua o Kaiwaka ko te tahuringa o te mana pupuri tuku iho ā aua tāngata. E ai ki te Hapū ko te tohunga a te Karauna o te rohe whenua ki te tangata kotahi me tana ārai tonu i ngā whāinga a te Hapū mā roto i ngā huarahi o te ture mō ngā tau rima tekau noa atu he rite ki te raupatu e hoki kē atu ai ki te Karauna.

TE HOKO A TE KARAUNA I NGĀ WEHENGA WHENUA O MŌHAKA-WAIKARE

- 2.64 I te tau 1909 ko ia uri o te Hapū i whiwhi ai i ngā whenua i whakahokia i raro i te kawenata o te tau 1870 e whiwhi utunga kē ana mai i ngā rīhi i tohua ai e te kawenata o te tau 1870 kāore i āhei kia hokona.
- 2.65 I te tau 1911 ka tīmatahia e te Karauna ngā whiriwhiringa ki te hoko i ngā whenua i whakahokia atu ki ngā uri ake o te Hapū i te tau 1870. Mā roto mai te Ture Whenua Taketake o te tau 1909 i āhei ai ngā Māori whai mana pupuri whenua ki te whakahuihui i ngā whakataunga mō te hokonga o ō rātau whenua. E āhei te hoko whenua Māori mena ka whakaaehia e te nuinga o ngā hunga whai tika i tae ki tētahi hui i karangahia e te Poari Whenua Māori ā-Rohe kia hokona. Engari i te tau 1913 ko te mana o te Poari Whenua ki te karanga i aua momo hui mō tētahi o ngā rohe whenua i whakahokia i takia nā te kore rawa o ngā mana pupuri Māori o aua whenua kia whiwhi i ngā tuku Karauna i te wā i whakahokia ai e te Karauna aua whenua i te tau 1870.
- 2.66 I te tau 1914 ka whakatauria e te Rōia-Whānui nā te murunga o ngā rohe whenua o Mōhaka-Waikare ka noho tonu hei whenua Karauna a oti noa te tohu i ngā tuku Karauna ki ia mana pupuri Māori. I whakatauhia e te Rōia-Whānui kia whakapūmauhia he ture hōu hei kōkiri i ngā take o ngā tohu whenua mō Mōhaka-Waikare. E ai ki ana whakatau ko te wāhanga e rapua ai mena ka taurite ngā hea o roto i ngā rohe whenua ka tukua rānei mā ngā tikanga o Ngāi Māori he take kē kia tukua mā te Kōti Whenua Taketake e whakataue. He whai ake ka huri te Paremata ki te whakapūmau i te wāhanga tuawhā o te Ture Takahuri Tono Whenua Taketake o te tau 1914 e wātea ai te katoa o ngā rohe whenua katoa i whakahokia ki noho hei whenua Māori herekore. Ka whakatauhia e taua ture ngā tika katoa ki Mōhaka-Waikare kia ūrite.
- 2.67 I taua wā tonu ka whai tonu te Karauna i ana mahi hoko whenua i waenga i ngā rohe whenua. Ka huri te Karauna ki te mana o te ture whenua taketake kia whakatauhia he pānuitanga ārai kia kore ngā mana pupuri e rīhi e hoko rānei i te rohe whenua o Heru-a-Tureia ki tētahi atu tua atu i te Karauna. I whai tētahi rōpū motuhake ki te rīhi i a Heru-a-Tureia engari kāore i āhei i te wā e tārewa ana te pānuitanga nei.
- 2.68 I te Hui-tanguru o te tau 1912 ka tohua e te Karauna tētahi aronga ki tētahi huihuinga o ngā mana pupuri o Heru-a-Tureia. I whiua te aronga nei ā tae rawa ki te Here-turi-kōkā o te tau 1912 ka inoi atu ngā mana pupuri kia tangohia e te Karauna tana pānuitanga e āhei ai rātau ki te rihi i te rohe whenua ki tā rātau i tohu ai.
- 2.69 Ahakoa atu kīhāi te Karauna i whakaae ki te hiki i taua pānuitanga. I te tau 1913 ka tāpirihia he wāhanga ki te ture whenua taketake e āhei ai te Karauna ki te hoko whenua mai ia mana pupuri. Ka tohe tonu te Karauna ki tāna i hiahia ai ahakoa atu te whakahē a te huihuinga o ngā mana pupuri mō te kaupapa hoko i puta i te tau 1912.

DEED OF SETTLEMENT

2: HISTORICAL ACCOUNT

- 2.70 I whakaritea e te ture whenua taketake mō aua mōmo pānuitanga a te Karauna kia mutu i muri i ngā tau maha. Ahakoa atu i te mutunga o te mana o te pānuitanga mō Heru-a-Tureia, i huri te Karauna ki te tohu i tētahi pānuitanga hōu. Nā te whai a te Karauna i tēnei huarahi ki ngā whiriwhiri i mahue noa ai ngā mana pupuri ki te hoko atu ki te Karauna mena ka whiwhi hua rātau mai i ō rātau whenua. Ka pupuri tonu te Karauna i tana mana motuhake ki te rohe whenua o Heru-a-Tureia tae noa ki te tau 1923 te wā i whiwhi ai ia i te katoa o te rohe whenua mā te hoko mai i ia mana pupuri.
- 2.71 Ka whai te Karauna kia whiwhi ai ia i te whānuitanga o ngā whenua i roto i ngā rohe whenua i hokona e ia ahakoa atu ngā kaupapa hoko a te hunga mana pupuri kia toe mai ētahi wāhangā whenua ki ō rātau takiwa hei papa ohaoha ki te takiwā. Ko tētahi o ngā pūtake hiakai whenua a te Karauna i ngā tau i waenga o ngā 1910s ko te hononga o te huarahi waka whenua mai i Pōneke ki Ahuriri kia tae atu ki Tūranga mā roto atu i te rohe atu i te takiwā o Mōhaka-Waikare. I te Here-turi-kōkā o te tau 1913 i tahuri ētahi o ngā uri o te Hapū i raro i te maru o Nii Puna ki te hoko whenua atu ki te Karauna i rohe whenua tuawhenua o Awa-o-Totara o Pūrahoitangihia o Tūtira hoki. Mā te hoko nei hoki e pupuri ai e te Hapū he whenua ki te taha moana o te huarahi waka whenua ki te rohe whenua nei.
- 2.72 Ahakoa atu ka whai te Karauna ki te hoko i te katoa o te whenua i ngā rohe whenua nei o ia taha o te huarahi waka whenua. I te marama o Hakihea o te tau 1913 i muri i tana tuku pānuitanga e ārai ana i ngā hokonga atu ki ngā hunga motuhake ka huri te Karauna ki te tuku wāhangā hei hoko i te katoa o Pūrahoitangihia me Awa-o-Totara ki ngā huihuinga o ngā hunga mana pupuri o aua rohe whenua. E tautokohia ngā hokonga a te Karauna e ngā huihuinga e rua nei. E tohe ētahi o ngā mana pupuri o Pūrahoitangihia ki te Karauna kia whiriwhirihia ngā taitara whenua kia tohua hoki ngā hua i mua atu i te hokonga e te Karauna engari tae rawa atu ki te tau 1915 ko te katoa o Pūrahoitangihia me te nuinga o Awa-o-Totara i riro hei whenua Karauna.
- 2.73 I huri anō te Karauna ki aua mahi i waenga i ngā whiriwhiri mō ētahi atu rohe whenua. I tukua he pānuitanga e ārai ana i ngā hokonga ki ngā hunga motuhake o ngā whenua o Arapaoanui me Pākuratahi i te tau 1915 me te tuku aronga pēnei ki ngā huihuinga mana pupuri. Kāore i rite engari ka tae ki te mutunga o te tau 1917 kua hokona kē e te Karauna tata ki te katoa o aua rohe whenua mai ia mana pupuri.
- 2.74 I te tau 1916 i huri anō te Karauna ki ngā hunga mana pupuri o Tatara-o-te-Rauhina me te whakaū i tana mana motuhake. I whakakāoretia te tono nei engari ka hoki atu ano te Karauna ki tētahi atu huihuinga o ngā mana pupuri i te tau 1917. Ahakoa atu nā te whakakāorenga o ngā mana pupuri e rua ka huri kē atu te Karauna ki ia mana pupuri ā tae rawa atu ki te tau 1923 kua riro katoa a Tatara-o-te-Rauhina iāia.
- 2.75 I te tau 1913, i te wā tonu e whiriwhiri ana ia mō ngā huarahi waka whenua, i tīmatahia ngā whiriwhiri a te Karauna mō Te Kuta i muri i te whiwhinga i te tohu mō te hoko mai i ngā mana pupuri take. I tohua e te Karauna he pānuitanga e ārai ana i te hokonga atu ki ngā rōpū motuhake i Te Kuta ā me te whakaaetanga ki te tohu hoko a te Karauna i te huihuinga o ngā mana pupuri i te Hakihea o te tau 1913 tērā kia ū tonu ngā tika o ngā hunga whai pānga tokowhā kīhai i whakaae ki te hoko. I whiwhi te Karauna i te nuinga o te rohe whenua i te tau 1915 ā i pupuri tonu ngā hunga kīhai i hoko i te rohe i te taha o te awa o Waikari me ō rātau kāinga, ō rātau urupā hoki.
- 2.76 I whiriwhirihia e te Karauna mō te katoa o ngā whenua i whiwhi ai ia i te takiwā nei mā tana hokonga mana tokitoki. I whakaritea e te ture whenua taketake kia wātea te

DEED OF SETTLEMENT

2: HISTORICAL ACCOUNT

huarahi e taea ai e te Karauna te tuku pānuitanga e ārai ana i ētahi atu hunga motuhake ki te whakataetae ki te hoko whenua e hiahangia ana e te Karauna mō te tau kotahi ā, kia noho anō aua pānuitanga mō ngā tau e rua atu. I ngā whiriwhiringa mō Heru-a-Tureia, mō Arapaoanui, mō Pākuratahi me Tatara-o-te-Rauhina i tukua e te Karauna ana pānuitanga, ka whakahōuhia ā, ka tukua he pānuitanga hōu i te paunga o te mana o ngā pānuitanga tuatahi i raro i ngā wāhanga o te ture whenua taketake.

- 2.77 Ko ngā mahi a te Karauna i ngā pānuitanga he mea ārai kē i ngā hua ki ngā hunga mana pupuri mai i o rātau whenua mō ngā wā roa i tau kē ai he momo tāmi ki runga i a rātau ki te hoko atu ki te Karauna mei i hiahia rātau kia whiwhi hua mai i o rātau whenua.
- 2.78 Tae rawa atu ki te tau 1931 tata tonu kia whiwhi te Karauna i te katoa o ngā whenua o Mōhaka-Waikare i whakahokia atu. I whiwhi te Karauna i ngā hua i ngā rohe whenua o Kaiwaka o Heru-a-Tureia o Awa-o-Totara o Pūrahoitangihia o Te Kuta o Arapaoanui o Pākuratahi o Tatara-o-te-Rauhina o Tūtira hoki kō atu i 100,000 eka kia toe noa ko ngā 4,500 eka hei whenua Māori.
- 2.79 He iti rawa ēnei whenua hei pupuri i te mauri o te Hapū ki te rohe me tō rātau takiwā.

TE TOHUNGA-Ā-TURE O TE TONGA O TANGOIO KI RARO I TE MARU O TE POARI WHENUA MĀORI O IKAROA

- 2.80 I tohua te rohe whenua o Tangoio ki te Tonga e 965 eka te rahi i tukua ki ngā mana pupuri 35 e te kawenata o Mōhaka-Waikare i te tau 1870. Kei runga te Marae o Tangoio i te rohe whenua nei ā ko tō rātau muriwai he pātaka kai moana. Ko ngā rohe papakū o Tangoio ki te Tonga hei māra kai engari ko ngā wāhanga pukepuke kua muia kē e te parakipere i te taenga ki te rautau ruatekau.
- 2.81 I te Hui-tanguru o te tau 1907 ka tohua e te Karauna te rohe whenua o Tangoio ki te Tonga ki te Poari Whenua Māori Takiwā o Ikaroa hei whakahaere take patu parakipere. I whakahē ake ngā mana pupuri i tēnei mahi a te Karauna kīhai nei rātau i tautoko. I te Whiringa-a-Rangi o te tau 1907 i tono inoi atu ētahi o ngā mana pupuri ki te Pāremata kia whakahokia mai te mana whakahaere i ūrātau whenua mai i te Poari. I tukua e te Komiti Take Māori o te Paremata te inoi ki te kāwana hei whiriwhiri engari kāore i whakahokia te mana whakahaere o Tangoio ki te Tonga ki ngā mana pupuri.
- 2.82 I te marama o te Whiringa-ā-nuku o te tau 1908 ka tūtaki he rōpū mai i ngā mana pupuri ki te Tumuaki o te Poari me tono ano kia whakahokia te rohe whenua ki ngā mana pupuri. I puta atu te kōrero ki a rātau me tono kē atu rātau ki te kāwana engari ka kore pea tā rātau tono e whakamanahia.
- 2.83 Ka huri kē te Poari ki te rīhi i te nuinga o Tangoio ki te Tonga ki te maha o ngā mana pupuri ā kia utu pūtea atu ki te Poari. I whakaritea e aua rīhi kia patua te tupu o te parakipere engari i te Whiringa-ā-rangi o te tau 1911, tata atu ki ngā tau e rima i muri i te tukunga o te mana whakahaere ki te Poari i puta he pūrongo a tētahi āpiha a te Karauna e kī ana e muia tonuhia ana te rohe whenua e te parakipere.
- 2.84 I te Hui-tangaru o te tau 1917 ka huri te Kōti Whenua Taketake, i raro i te tono a ngā mana pupuri ki te wāwāhi i a Tangoio ki te Tonga. I huihuihia ngā hua ki tētahi rohe whenua e 839 eka te rahi mō ngā mana pupuri katoa mō Tangoio ki te Tonga 27 me te

DEED OF SETTLEMENT

2: HISTORICAL ACCOUNT

toenga o taua whenua ki ngā rohe whenua iti e 26 me te huri i ngā hua ki ngā whānau ki ia tangata rānei.

- 2.85 I te Poutū-te-rangi o te tau 1917 ka huri ētahi o ngā mana pupuri ki te hoko i tētahi wāhanga o Tangoio ki te Tonga ki te Karauna. Engari i te Here-turi-kōkā o te tau 1917 ka whakakāorehia taua tono e te Karauna nā te matomato tonu o te tupu o te parakipere ki runga i te rohe whenua.
- 2.86 I te Hakihea o te tau 1917 ka tono inoi atu te maha o ngā mana pupuri ki te Poari kia whakahokia ngā wehenga whenua 1-26 o Tangoio ki te Tonga ki ngā mana pupuri, engari ko te whakaatu a te Tumuaki o te Poari i kī kāore ūna mana hei mahi i aua mahi. Kātahi ka tonoa atu te inoinga a ngā mana pupuri ki te Karauna, engari kāore te Karauna i mahi i tā rātau i tonoa atu rā e kia hangāia he ture hei whakaū i ō rātau whenua ki raro i ō rātau mana whakahaere. I te tau 1922 ka tuhi atu ngā mana pupuri ki te Mema Pāremata mō Te Tai Rāwhiti me te whai ake i tana tautoko kia whakahokia atu aua rohe whenua. I tuhia atu e rātau ka māmā ake te tiaki i ō rātau kararehe ā kāore hoki e taea te utu ake i aua rīhi e nama ana ki te Poari. Kāore te Poari i hiahia ki te whakahoki atu i te whenua mātua mō te kore utu nama te take.
- 2.87 I te Here-turi-kōkā o te tau 1923 ka wāwāhia te toetoenga o te rohe whenua o Tangoio ki te Tonga 27 ki ngā rohe whenua 17 mai i te 20 ki te 100 eka te rahi.
- 2.88 I te Here-turi-kōkā o te tau 1924 i tono ngā mana pupuri ki te Mema Pāremata mō Te Tai Rāwhiti i muri i te horanga o ngā nama a te maha o ngā poari ā-rohe ki runga o ngā rohe whenua 1 ki te 26. I te Whiringa-ā-Rangi o te tau 1924 i whakatauhia atu ngā mana pupuri e te Karauna ko te wāhanga iti ānake kei reira rā tō rātau whare hui e tū ana me te marae ka puta atu ki waho o ngā nama whenua. E ai ki te Karauna, ka whiwhi ngā mana pupuri i aua hua rite tonu ki tā te Pākehā mai i ngā huarahi ka utua e aua nama whenua, engari ka kī ake ngā mana pupuri kāore anō te Karauna kia utua rātau mō ngā whenua i riro atu ai ia mō ngā huarahi. E ai ki ngā mana pupuri atu i Panepaoa (i te tātahi o Tangoio) ki Waikare e 24 maero te tawhiti ā ko te huarahi mai i Tangoio ki te Tonga ki Awa o Arapawanui River e 10 maero te tawhiti, nā reira tata ki te 3,000 eka i riro atu mō ngā huarahi te take kāore hoki he utu.

TŪTIRA

- 2.89 Ko te nuinga o Tūtira kua tukua kē hei rīhi ki ngā hunga ki a manene noho whenua i mua atu i te tau 1870 mā roto atu i ngā kawenata here nā te whai pānga ki ngā whenua Māori tuku iho kāore he pānga a te ture mena ka puta he raru. Ko te kawenata o te tau 1870 mō Mōhaka-Waikare i whakaritea mō te rohe whenua 23,467 eka o Tūtira kia tukua ki ngā tāngata whā tekau e āhei ake ai ki te rīhi mō ngā tau atu ki te 21 tau.
- 2.90 Ko ngā take rīhi noa nei o Tūtira i mahia tonu atu ki te tau 1884. I te marama o Mahuru o te tau 1884 ka uru atu ngā mana pupuri ki te rīhi ūkawa i te nuinga o ngā whenua o Tūtira ki ngā tokorua manene Pākehā ā, ka rāhuihia e 3,000 eka mō ā rātau ake hiahia. I te Whiringa-ā-rangi o te tau 1895 ka tae tētahi o ngā manene Pākehā me tētahi ake o ngā hunga noho whenua kia uru atu ki ngā whiriwhiringa hōu nei mō ngā 10,000 eka mā raro i tā rātau māramatanga ka hikina te rīhi tuatahi a te wā e mutu ai tōna mana a te tau 1905.
- 2.91 I te tau 1907 ka whakaritea e te Karauna te Komihana Stout Ngata ki te arotake i ngā kaupapa whakamahi whenua Māori me te whakatau ko ēhea whenua me pupuri e Ngāi

DEED OF SETTLEMENT

2: HISTORICAL ACCOUNT

Māori ko ēhea hoki me tuku hei nohonga mō te hunga manene. I arotakehia a Tūtira e te Komihana ā i muri atu i ngā matapaki me ngā mana pupuri ko a rātau whakatau i pā ki ngā wāhi, ki ngā wā me ngā utu mō ngā rīhi o Tūtira i piki ake ai ngā utu ki ngā mana pupuri mā te £1,000 ia tau. I te tau 1907 ka whakatauhia e te Pāremata he ture e whakamana ana i te Poari Whenua Māori ā-Rohe o Ikaroa kia whai mana mō ngā mana pupuri hei kōkiri i ngā whakataunga nei mō rīhi o Tūtira.

- 2.92 I te tau 1908 i kawea he take mā te ture te Poari e ngā mana pupuri me te tohe kāore te ture o te tau 1907 i whakaritea kia herea rātau ki ngā rīhi i whiriwhiria e taua Poari. I tohe ngā mana pupuri nei ko ngā here ki aua rīhi i whiriwhiria e te Poari ka takahī kē i te mana o Te Tiriti o Waitangi. I whakatauhia e Te Kōti Pīra he kaupapa here motuhake tā ngā rīhi i whiriwhiria e te Poari ki runga o ngā mana pupuri.
- 2.93 I te tau 1913 kāore te Karauna i tautoko i te tono ā ētahi o ngā mana pupuri ki te hoko atu ki te Karauna ētahi wāhangā o te rohe whenua o Tūtira e hora ana ki te tuawhenua o te hurahi mō te waka whenua mai i Ahuriri ki Tūranga. Engari i te Hōngongoi o te tau 1917 i muri o te aronga a ētahi o ngā mana pupuri ki te hoko i ū rātau pānga, ka tīmata te Karauna ki te hoko i ngā pānga ki Tūtira ahakoa atu kāore i mōhio ki ngā hiahia ā ētahi o ngā mana pupuri ki te hoko. I taua wā e rīhi tonu ana te rohe whenua ki tētahi manene noho whenua mō te utu £1,600 ia tau i whakaritea i raro o te uara o te tau 1907 ki te £32,000. Tae rawa atu ki te tau 1917 kua tata kē te tārua te uara o te whenua mai i te wā i whakaritea ai te rīhi. Ko te tikanga me utu kē te Karauna i te uara i whakaritea e te tatauranga a te kāwana mō ngā whenua Māori i hokona e ia ā, kātahi ka huri ki te tatau anō i te uara mō Tūtira. Ka tukua atu te £40,000 e te Karauna hei utu i muri i te wehenga mai o te uara mō ngā hua o ngā mahi a ngā kai rīhi mai i te uara i runga ake i te £60,000 ū te rohe whenua.
- 2.94 I te Hui-tangaru o te tau 1918 ka tīmata te Karauna ki te kohi haere i ngā hua o ia tangata ki Tūtira. Tae rawa atu ki te Kohi-tātea o te tau 1923 kua whiwhi kē te Karauna i te waru tekau ūrau o ngā hua o ia tangata ki Tūtira. I tono te Karauna ki te Kōti Whenua Taketake kia whiwhi i ngā hua i hokona e ia engari ka tae atu ki te Paenga-whāwhā o te tau 1923 ka pare a te Kōti te tono nei nā te kore o te rūri ki Tūtira.
- 2.95 Kāore ētahi o te hunga kīhai i hoko i rata atu ki te whakataunga a te Kōti ā tae rawa atu ki te Paenga-whāwhā o te tau 1923 ka tono a Hāmi Tutu, he uri o te Hapū, ki te Kōti kia wehea ngā pānga o te hunga kīhai i hoko. I tārewahia tonu te tono nei e te Kōti Whenua Taketake i raro i ngā whakahau ā te Karauna.
- 2.96 I te Here-turi-kōkā o te tau 1923 i tohua e te Kaikomihana Whenua Karauna i Ahuriri e kī ana ētahi o ngā hunga kīhai i hoko ko ū rātau pānga ki te Roto o Tūtira kei raro i te mana o Te Tiriti o Waitangi.
- 2.97 Tae rawa atu ki te Hōngongoi o te tau 1926 kua rūrihia kē a Tūtira ā i kitea ake kō atu i te 3,000 eka te rahinga atu o te i tērā i whakaritea ai i te wā i hokona e te Karauna mā tana utu. I te Hōngongoi o te tau 1926 ka huri te Karauna ki inoi atu ki te Kōti Whenua Taketake kia wāwāhia a Tūtira i waenga i te Karauna me te hunga kīhai i hoko. I tukua a Tūtira A, me tana 19,426 eka ki te Karauna ko Tūtira B me tana 862 eka i tukua ki te hunga kīhai i hoko.
- 2.98 I whiwhi te hunga kīhai i hoko i tā rātau tono kia whakawāhia anō taua wāwāhinga i muri i te whakahētanga a te Karauna i tā rātau tono ki te Kōti kia tohua he mana hei pupuri i ū rātau tika tuku iho ki te aru ki te hī ki te Roto o Tūtira. Engari i tārewa tonu te take mai i

DEED OF SETTLEMENT

2: HISTORICAL ACCOUNT

te tau 1926 ki te tau 1928 me te hoki anō a te Karauna ki te hoko haere i ngā pānga o ia tangata o ia tangata.

- 2.99 I te mutunga i te Paenga-whāwhā o te tau 1928 ka tukua e te Kōti Whenua Taketake 19,726 eka ki te Karauna ki Tūtira A, me te 561.5 eka ki Tūtira B mō te hunga kīhai i hoko. E rua eka ki taha Rāwhiti o te Roto o Tūtira i rāhuitia ki Tūtira C me tuku atu ki te Karauna hei tohu whakamahara ki a Tiwaewae, he Rangatira rongonui nō Ngāti Kurumōkihi. I wāwāhia e te Kōti kia rite ngā wehenga o te Roto o Tūtira ki ērā mō ngā whenua āmio.
- 2.100 I te Hui-tanguru o te tau 1929 ka rongo te Kaiwhakawā o te Kōti Whenua Taketake i ngā tauāki mai i a Kipa Anaru, he rangatira nō te Hapū me te maha atu. Ko te inoi e whai ana ki tohua ngā tuku mō te rohe whenua o Tūtira me tana roto kia whakatauhia mātua kia whai huarahi tonu te Hapū ki te roto me ū rātau tika tuku iho ki reira. E ai ki te Kaiwhakawā ko te hiahia o ngā hunga kīhai i hoko kia whakahokia atu te katoa tētahi wāhangā noa rānei ki a rātau. I kī ake ano ia e whakaae ana te hunga kīhai i hoko ki te tuku i te Roto o Tūtira ki te motu engari kia haumaruhia ū rātau tika tuku iho ki te roto. Hei aronga ake i kī ake te hunga kīhai i hoko kia tukuna atu te toenga 3,000 eka ki a rātau ki tētahi wāhi e tata atu ana ki te roto me ngā taketake o ngā pae maunga pātata.
- 2.101 I te tau 1931 ka huri te Kōti Whenua Taketake ki te hiki ake i te tuku ki te Karauna ki Tūtira A ki te 22,790 eka me te wāhangā ki te hunga kīhai i hoko i Tūtira B ki te 677 eka mā roto i ngā wāwāhinga whenua tekau mā waru. Ahakoa atu te inoi a te hunga kīhai i hoko ka wāwāhia te roto i waenga i te Karauna me ngā hunga kīhai i hoko kia ōrite ngā wāhangā ki ērā i tukua mō ngā rohe whenua e rua. I te tau 1935 i utua e te Karauna tētahi £6,470 hei tāpiri ki te hoko i te 3,350 eka, i kitea ake ai i pērā rawa te rahi atu i tērā tatauranga i te wā tuatahi i tukua ai te utu a te Karauna. I utua te pūtea ki te Poari Whenua Māori ā-Rohe o Ikaroa hei toha ki te hunga i hoko. I te tau 1941 i utua e te tangata rīhi o Tūtira B tētahi pūtea mai i ngā pūtea rīhi ki te Karauna hei utu atu i ngā wāhangā ki te rūri whenua mō te wāwāhinga whenua tekau mā waru.

WHAKAARI

- 2.102 I te tau 1870 i tohua e te Pare mata he tekau eka ki Whakaari hei whenua rāhui ā te Karauna hei tauranga mō te katoa hei tauranga hī ika mō ngā mana pupuri o ngā rohe whenua i whakahokia.
- 2.103 Kāore rawa te Karauna i whakahoki i te whenua rāhui nei ki a Ngāi Māori hei mana pupuri ā i whakarite rānei kia whai huarahi rānei te Hapū ki taua wāhi. I te tau 1959 i tukua he rīhi mō Whakaari tae atu ki ngā whenua tāpiri, ki tētahi Pākehā ahuwhenua. I tono ngā uri o te Hapū a Te Otane Reti a Tautahanga Sullivan a Hineraumoa Sullivan me Mōrehu Albert ki te Karauna me te inoi kia whakahokia a Whakaari ki te mana pupuri o Ngāi Māori. Kāore te Karauna i whakaae ki taua tono.

NGĀ TAKE TAIAO

Te Roto o Tūtira

- 2.104 I mōhiotia te Roto o Tūtira ki te Hapū “ko te waiū o ū tātau tīpuna” - “the milk of our ancestors”. He pānga tēnei ki te matomato o te kai mai i te roto tae noa ki te oranga wairua mai i te roto ki te Hapū. Mai i ngā tau o ngā 1880s ko ngā mahi turaki ngahere

DEED OF SETTLEMENT

2: HISTORICAL ACCOUNT

me ngā waihanga ahuwhenua i piki ake ai ngā horoanga whenua me te toko ake kia tuangahuru noa te pikinga o te pāoneone ki te Roto o Tūtira. I ngā tau o ngā 1890s i keria hē ngā repo tāpiri me te mutunga ka rere atu ngā pāoneone ki te roto. I pēnei tonu te ruiruinga pāoneone mō te nuinga o ngā tau kotahi rau ā i waenga i ngā tau 1925 me te 1963 i tino piki ake te papa o te roto. Ko ngā tino āwhā pērā i te Āwhā o Te Rā o ngā Hōia o te tau 1938 me te Āwhio o Bola i te tau 1988 i tino whakaatu ake ai i te raru o te pāoneone ki te roto. Mai i ngā tau o ngā 1950s ko te rerenga o ngā kai mai i te ruinga o te wai rākau ki ngā pātiki kua heke katoa te ora o te wai o te roto me ngā awa tāpiri. Kua tino piki ake te tahuringa pokakē o ngā momo tupu i te roto me te puta noa o ngā momo tarutaru o te wai me te pua ngaruru. Kua whakakīhia ngā kōawa, kua parahia ngā tupu ā kua whānui noa te papa waipuke. Kua ngaro katoa ngā tauranga kākahi ā kua tino heke iho te maha o te tuna.

- 2.105 I te tau 1951 ka kī atu a Te Aturangi Anaru, he rangatira o te Hapū, ki te Karauna kia rāhuihia te wāhanga ō te roto kei raro i te mana o te Hapū hei tauranga kararehe kōwao.
- 2.106 I te tau 1957 ka hurihia te wāhanga o te Roto o Tūtira hei tauranga kararehe kōwao. Ahakoa atu tērā kāore ngā mana pupuri o te papa o te roto i whakaae ki ngā tohe a te Karauna kia tukua atu tō rātau wāhanga hei tauranga kararehe kōwao nā tō rātau wehi kei raru tō rātau mana pupuri.

Waipukenga

- 2.107 I te rautau rua tekau ko te kāinga matua o te Hapū i Tangoio i waenga o te rohe whenua o Tangoio ki te Tonga. I roto kē ngā kāinga me te marae o Tangoio i te whenua pāpaku ā ka pokea e ngā tūmomo waipuke. I tino piki ake ai te pā o te waipuke nā te taunga o ngā waokū o ngā whenua pātata.
- 2.108 I waenga i ngā rautau rua tekau nā te honohono ngā tūmomo waipuke i neke ai te maha o ngā whānau mai i ō rātau whenua tuku iho. I te Rā mō Ngā Hōia i te Paenga-whāwhā o te tau 1938 ka murua ngā awaawa o Te Wai-o-hingānga me Tangoio e te waipuke tīngakungaku ana ngā whare katoa tua atu i te kura me te kāinga o te kura. I murua katoa ngā taiepa he maha hoki o ngā kararehe me ērā atu taputapu i ngaro. I te Pipiri o te tau 1963 nā te kino mārika o te waipuke i kī ai te Kaikomihana ā-Rohe mō ngā Mahi kāore e tika ana kia noho te tangata ki te awaawa o Tangoio. I hora katoa te kenepuru ki te awaawa he 900mm te hōhonu. E whā tekau ngā whare i raru i te waipuke ā he maha hoki ngā whānau i nuku oti atu ai. Engari he mea uua te hōneatanga o taua rohe i te mea he maha ngā whānau kāore i hiahia kia whakarērea o rātau kāinga me tō rātau marae hoki.
- 2.109 Ka noho tonu te marae i Tangoio kia ākīhia e te waipuke.

Te Tahatai

- 2.110 E ai ki a Te Hata Kani he pātiki hīnga ika te tahatai o te rohe nei i tukua iho mai i ana tīpuna. He matomato ngā kai mātaitaia o aua wai tahatai mō te Hapū i ngā wā o mua. Ahakoa atu nā ngā aituā māhorahora me ngā mahi tūkino poka noa i raru katoa ai te tahatai nei. Nā te rūwhenua ki Ahuriri i te tau 1931 i piki ake ai te papa o te muriwai o Tangoio me Te Whanganui-ā-Orotu. Nā te pikinga o ngā mahi ahuwhenua i te wā o ngā rautau rua tekau i pā ai te horoa whenua paruparu katoa ana ngā kōawa e rere atu ana ki te moana. I maru katoa ngā wai tahatai i ngā para mai i ngā whare hanga tikanga. Maru katoa ana te papa moana o Te Matau-ā-Māui i ngā kenepuru horoa whenua mai i

DEED OF SETTLEMENT

2: HISTORICAL ACCOUNT

ngā kōpuapua pātata. Nā te hora o te kenepuru i raruraru ai ngā kai mātaitei mai i ngā ohonga o ngā pua. I te tau 1991 ka whakatauhia e ētahi hunga rangahau kāore ngā kai mātaitei mai i te tahatai ki Tangoio e rite ana hei kai mā te tangata ā kāore hoki e tika ana kia kaukau te tangata ki Tangoio nā te kaha o te para.

NGĀ TAKE OHAOHA-Ā-HĀPORI

- 2.111 Ko ngā whenua tuku iho o te Hapū he pūtake mārika mō tō rātau oranga ohaoha i ngā o te tau 1840. Tae rawa ki ngā tau o ngā 1860s i tino raru te oranga ohaoha nā te murunga whenua mā te raupatu. Ahakoa atu te whakahokinga o aua whenua ki a Ngāi Māori hei mana pupuri kāore i tino rata atu ngā pēke ki te tuku pūtea nama mō aua whenua Māori me ngā mana pupuri maha ā kāore hoki ngā uri o te Hapū i whai wāhi atu ki ngā pūtea tairanga pērā ki a Ngāi Pākehā noho whenua. I te tau 1907 ka whakahē atu te Komihana ā Stout Ngata mō te kore e whakarite kia ōrite te huarahi e whiwhi tahi ai a Ngāi Māori ki ngā momo āwhina pērā ki ngā hunga noho whenua hei whakatairanga i ūrātau whenua.
- 2.112 Kāore te Karauna i tīmata ki te whakarite i ngā momo āwhina mō te whakatairanga i ngā whenua Māori ā tae noa ki ngā tau whakamutunga o ngā 1920s. Engari tae rawa atu ki tēnei wā kua tino mārō kē te hoko whenua haere a te Karauna mahue mai ake te Hapū me ngā toetoenga whenua e kore ai e tau tā rātau ohaoha-ā-hāpori. I te tau 1930 ko ngā whenua noa iho i tō mai ki ia uri o te Hapū ko ngā rohe whenua i Tūtira i Te Tonga o Tangoio me Arapaoanui. I te paunga o te rautau tekau mā iwa me te tīmatanga o te rautau rua tekau ka heke iho ngā whenua māra i roto i te rohe ā ka huri kē a Ngāi Māori ki te mahi mō te utu.
- 2.113 Mātua mā te urunga atu o ngā uri o te Hapū ki ngā kaupapa mātauranga whakangungu hoki e puta mai ai he hua i ngā momo mahi ohaoha o te rautau rua tekau ā tae rawa atu ki te tau 1900 ka tono ngā Māori o Tangoio kia hangāia he kura mō rātau. I te tau 1904 ka puta ko te kura o Tangoio mai i te Karauna. Ko te tatauranga o ngā tamariki katoa e piki atu ana ki te kura tuarua ki te kura takiura i tēnei wā he tino iti engari ka tino piki ake i ngā tau o te rautau rua tekau. Engari kāore i ōrite te aro ake o te pūnaha mātauranga mō ngā tamariki Māori kia pērā i ngā tamariki Pākehā pahure noa ngā tau maha o te rautau rua tekau. He maha o Ngāi Māori i tahuri atu ki te rapu oranga mā ūrātau puku mahi i muri i tō rātau mutunga i te kura.
- 2.114 He maha o Ngāi Māori i waenga i te takiwā i noho rawa kore. I tino ngau te wā rawa kore o ngā tau o ngā 1930s i te Hapū. I te tau 1932 ka huri te Minita Taketake ka kī kua tino heke rawa te tauranga ohaoha o Ngāi Māori i Te Matau-ā-Māui ā he maha e noho kē ana i roto i ngā whare kōpā. I huri tētahi āpiha a te Karauna ki te kī he maha ngā kāinga o ngā pā o roto o Te Matau-ā-Māui he tino hē rawa atu. I te tau 1940 ka puta anō he āpihā o te Karauna me tana kī ake kāore atu he whenua o te nuinga o ngā mana pupuri tua atu o Tūtira B me tā rātau noho pōhara ki Tangoio. I te tau 1942 i whakatauhia e tētahi arotake a te Karauna he 84% o ngā whare a Ngāi Māori o Te Matau-ā-Māui kei raro kē i te taumata tōtika mō ngā kāinga ā e 63% e tika kē ana kia whakaorahia kia turakina rānei.
- 2.115 I ngā tau i muri mai i te 1945 i nuku kē atu te maha o ngā uri o te Hapū ki ngā taone nunui i waho kē atu o te takiwā. I tino kitea ake te pikiria o te āhua o ngā nohonga i waenga i ngā tau o ngā 1950s me ērā o ngā 1960s me te urunga atu o Ngāi Māori kia whai mahi. Engari ko te nuinga o rātau i roto kē i ngā mahi kore pūkenga ā ko te āhua o ngā nohonga a Ngāi Māori i muri noa i tō Ngāi Pākehā. I ngā tau o ngā 1970s ka piki

DEED OF SETTLEMENT

2: HISTORICAL ACCOUNT

haere te noho kore mahi a Ngāi Māori ā tae rawa ki ngā takahurihuringa o te ohaohangā o Aotearoa i ngā tau o ngā 1980s ka tae kē te noho kore mahi o Ngāi Māori ki ngā tataunga tārua.

- 2.116 I noho māuiui kē atu ngā uri o te Hapū ki a Ngāi Pākehā. I waenga i ngā tau o te rautau tekau mā iwa i pā ki a Ngāi Māori ngā momo mate urutā kihei nei he momo ārai ā-tinana ā ka tino heke iho te tataunga o Ngāi Māori. Ko ngā tataunga tāngata i Te Matau-ā-Māui i kī kua piki ake te ora o ngā uri o te Hapū i muri mai i te tau 1896 i pakari ake tō rātau ārainga māuiui ki ngā momo mate urutā. Engari ko ngā rangahau o ēnei wā a te Hapū e kī kē ana he maha ngā hononga reanga o te Hapū i mate oti atu i waenga i ngā tau mai i te 1860 atu ki te 1930.
- 2.117 Ka pā tonu ki te Hapū ngā momo māuiui o te rawa kore pēnei i te taipō me te mate kohi i te wehenga rua tuatahi o ngā rautau rua tekau. I te tau 1926 i kī ake tētahi o ngā āpiha a te Karauna kua pā kē te mate taipō hei mate whakamau ki Tangoio. I puta mai ano he kōrero i taua āpiha arā nā te Hāhi Rātana o Tangoio tētahi o ngā tino take i piki ake ai ngā māuiui urutā pērā i te taipō nā te kore o ngā tāngata o Tangoio e haere ki ngā rata te whakaatu rānei i aua momo māuiui ki ngā ūmanga. Engari kā huri kē tētahi atu āpihā me tana kī nā te Hāhi Rātana ngā whakahau kia kaua ana mōrehu e whai i te oranga mai i ngā whakahaere hauora mō ngā māuiui urutā nei.
- 2.118 Ahakoa atu ka huri taua āpiha ki te kī ake ko te noho tūwhera a te iwi o Tangoio ki te māuiui taipō nā te takoto kē o te whenua ki ngā momo waipuke ko te mutunga iho ka paru kē ko ngā puna wai. I ngā tau o ngā 1930s, ko ngā pānga pūkaha kakā pānga tarakura pānga mare motu i kīhia he mea pākaha. I te tau 1932 i kī ake tētahi āpiha a te Karauna he maha o Ngāi Māori mai i Te Matau-ā-Māui ka kore kē e tae atu ki ngā rata nā te kore whai huarahi ki te utu atu i a rātau.
- 2.119 Mai i te tau 1945 me te pikinga ake o ngā nohonga me ngā ratonga hauora a te Karauna i tino kitea ai te pikinga o te oranga o Ngāi Māori. Ahakoa atu e puta tonu ana te tino wehenga i waenga i te oranga o Ngāi Māori me tērā o Ngāi Pākehā ā ko te pae oranga o Ngāi Māori ka noho tonu ki raro noa atu i tō te Pākehā. I te tau 1988 ka puta ake i te Mana Hautū Whānui o te Hauora tana kī ko ngā kaupapa here a te Karauna me te whakatairanga ake tae atu ki te tukunga o ngā ratonga hauora a te Karauna he tikanga tōtahi noa.